

**Resolución do tribunal designado para xulgar o proceso selectivo para a provisión de catro prazas do corpo administrativo do Parlamento de Galicia, das cales unha está reservada á quenda de persoas con discapacidade, pola cal se fai pública a data, a hora e o lugar de realización do primeiro exercicio.**

O tribunal nomeado pola Resolución da Presidencia, do 12 de novembro de 2024 (*BOPG* núm. 115, do 13 de decembro de 2024), para cualificar o proceso selectivo para a provisión de catro prazas do corpo administrativo do Parlamento de Galicia, das cales unha está reservada á quenda de persoas con discapacidade, convocado polo Acordo da Mesa do Parlamento do 9 de abril de 2024, (*BOPG* núm. 15, do 22 de abril de 2024, e no *DOG* núm. 79, do 22 de abril de 2024), acordou que, de conformidade co disposto na base 6.2, **o primeiro exercicio terá lugar o luns, día 13 de xaneiro do ano 2025, no edificio do museo da Cidade da Cultura de Santiago de Compostela (aparcadoiros 4 e 5) en chamamento único.** Serán excluídas da oposición as persoas que non comparezan antes de finalizar o chamamento.

#### ACCESO

O chamamento iniciarase **ás 09.00 horas**. En primeiro lugar, serán chamadas as persoas incluídas na listaxe da quenda de discapacidade. A chamada será efectuada por orde alfabética do primeiro apelido, que comezará pola letra «n», elixida polo sorteo publicado na páxina web do Parlamento de Galicia.

Tras finalizar o chamamento referido, procederase ao chamamento da quenda xeral, que comezará tamén pola letra «n».

As persoas aspirantes deberán ir provistas do documento nacional de identidade (DNI) ou de documento fidedigno acreditativo da súa identidade, a xuízo do tribunal, e de **bolígrafo negro**. O documento identificador con foto deberá deixarse á vista do tribunal, enriba da mesa do aspirante. O tribunal poderá comprobalo en calquera momento.



Na sala onde se desenvolverá o exercicio non estará permitido usar ningún tipo de reloxo, de dispositivo que emita ou reciba radiofrecuencias, de teléfono móbil ou de calquera outro dispositivo electrónico, agás os explicitamente aprobados polo tribunal por razóns médicas acreditadas de maneira individual. Este tipo de dispositivos deberán permanecer desactivados e gardados ou depositados no chan durante todo o desenvolvemento das probas.

Todas as persoas aspirantes deberán manter os pavillóns auditivos despexados para verificar que non usan dispositivos non permitidos e, se é o caso, para permitir que se poidan inspeccionar.

As persoas que necesiten audiófonos deberán acreditar a súa necesidade, antes do día 8 de xaneiro de 2025, mediante unha comunicación dirixida ao tribunal a través da sede electrónica do Parlamento de Galicia (<https://sede.parlamentodegalicia.gal>)

## DURACIÓN

A duración do exercicio será de 150 minutos, excepto para aquelas persoas ás cales o tribunal lles concedese un tempo adicional, por causa dalgunha discapacidade ou patoloxía.

Non se poderá saír da sala de realización do exercicio durante o seu desenvolvemento. En ningún caso se poderá entregar a folla de exame e saír antes de transcorrer os primeiros 90 minutos desde o comezo do exercicio.

O tribunal avisará cando resten 30 minutos para o termo do tempo e, a partir dese momento, non se poderá entregar o exame ata o final do tempo establecido. De novo, realizaranse avisos cando falten 15 e 5 minutos. Cando finalice o tempo, as persoas presentes deberán esperar a que o tribunal organice as entregas e as saídas de modo ordenado.

## DESENVOLVEMENTO

O cuestionario constará de 100 preguntas de resposta múltiple e de 5 de reserva. O cuestionario estará redactado en galego, podendo solicitarse a versión en castelán. Das catro respostas posibles a cada pregunta só haberá

unha correcta. Deberanse marcar, **con bolígrafo negro**, as respostas que se consideren correctas tal como se indica na folla de exame, que se facilitará xunto co cuestionario. Deberanse responder tamén ás preguntas de reserva, por se fose necesario recorrer a elas.

A folla de exame, que ten incorporada unha folla amarela de copia, constará de dúas partes: unha parte no lado esquerdo, onde se consignarán os datos persoais e outra parte no lado dereito, onde se marcarán as respostas ao cuestionario e na cal non se poderá efectuar ningún tipo de escritura nin ningunha outra marca ou sinal distinta das marcas das respostas. As dúas partes mencionadas serán separadas no momento da entrega.

Non será posible anular ou rectificar as respostas na folla de exame; por tanto, recoméndase marcalas previamente no cuestionario e trasladalas á folla de exame despois de as revisar.

Non serán valoradas as preguntas sen responder nin tampouco aquelas en que as marcas ou correccións efectuadas ofrezan a conclusión de «non haber opción de resposta» válida. Tampouco serán valoradas as respostas marcadas fóra das celas. Cada resposta incorrecta restará da puntuación total cero coma cento vinte e cinco (0,125) puntos.

Ao remataren e entregaren o exercicio, as persoas aspirantes só poderán sacar da sala a copia amarela coas súas respostas, xa que o **cuestionario se deberá entregar ao tribunal**, xunto coa folla de respostas.

O cuestionario, xuntamente coas respostas correctas, publicárase no portal web corporativo nas vinte e catro horas seguintes á finalización do exame.

Santiago de Compostela, 19 de decembro de 2024

A presidenta do tribunal